



გორის მუნიციპალიტეტის

საკრებულო

განკარგულება № 74

2020 წლის 12 ივნისი
ქ.გორი

გორის მუნიციპალიტეტის მერიის ადმინისტრაციული და შესყიდვების სამსახურის მერის წარმომადგენლების ასისტენტების საქმიანობის კოორდინაციის განყოფილების 2019 წლის მაისიდან მიმდინარე პერიოდამდე გაწეული საქმიანობის ანგარიშის შეფასების შესახებ

გორის მუნიციპალიტეტის საკრებულო, მის მიერ მიღებულ გადაწყვეტილებათა შესრულებაზე, მერიის საქმიანობაზე, თვითმმართველი ერთეულის ქონების მართვასა და თვითმმართველი ერთეულის ბიუჯეტის შესრულებაზე ახორციელებს კონტროლს. აღნიშნული კონტროლის განხორციელების ერთ-ერთ ფორმას წარმოადგენს ანგარიშის მოსმენა, რომელიც გაწერილია საკრებულოს სამუშაო გეგმებში. საკრებულოს სამუშაო გეგმის შესაბამისად საჭიროა მოსმენილ იქნას და შეფასდეს გორის მუნიციპალიტეტის მერიის ადმინისტრაციული და შესყიდვების სამსახურის მერის წარმომადგენლების ასისტენტების საქმიანობის კოორდინაციის განყოფილების 2019 წლის მაისიდან მიმდინარე პერიოდამდე გაწეული საქმიანობის ანგარიში.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის 1-ლი პუნქტის „გ.ა“ ქვეპუნქტის და 61-ე მუხლის 1-ლი და მე-2 პუნქტების შესაბამისად:

1. დადებითად შეფასდეს გორის მუნიციპალიტეტის მერიის ადმინისტრაციული და შესყიდვების სამსახურის მერის წარმომადგენლების ასისტენტების საქმიანობის კოორდინაციის განყოფილების 2019 წლის მაისიდან მიმდინარე პერიოდამდე გაწეული საქმიანობის ანგარიში (დანართი თან ერთვის).
2. განკარგულება ძალაში შევიდეს ხელმოწერისთანავე.
3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე

ანგარიში

გორის მუნიციპალიტეტის მერიის ადმინისტრაციული და შესყიდვების სამსახურის, "მერის წარმომადგენლების და წარმომადგენლების ასისტენტების საქმიანობის კოორდინაციის განყოფილების" მიერ გაწეული მუშაობის შესახებ
(2019 წლის მაისი - 2020 წლის მაისი)

მერის წარმომადგენლების და წარმომადგენლების ასისტენტების საქმიანობის კოორდინაციის განყოფილების ჩამოყალიბება განხორციელდა ორ ეტაპად. პირველ ეტაპზე, გორის მუნიციპალიტეტის საკრებულოს 2017 წლის 24 ნოემბრის N20 დადგენილებით გორის მუნიციპალიტეტის მერიის სამტატო ნუსხაში შეტანილი ცვლილებით ადმინისტრაციული და შესყიდვების სამსახურში შეიქმნა „მერის წარმომადგენლების ასისტენტების საქმიანობის კოორდინაციის განყოფილება“, რომლის შემადგენლობაშიც გათვალისწინებული იყო ერთი შტატი - განყოფილების უფროსი და 65 - შტატი მერის წარმომადგენლების ასისტენტი, მათ შორის: 26 - IV რანგის I კატეგორიის უმცროსი სპეციალისტი, თანამდებობრივი სარგო 560 ლარი; 12 - IV რანგის II კატეგორიის უმცროსი სპეციალისტი, თანამდებობრივი სარგო 540 ლარი და 27 - IV რანგის III კატეგორიის უმცროსი სპეციალისტი, თანამდებობრივი სარგო 520 ლარი.

მოგვიანებით, მას შემდეგ, რაც მერის წარმომადგენლებს მიენიჭათ III რანგის I კატეგორიის პროფესიული საჯარო მოხელის სტატუსი, გორის მუნიციპალიტეტის საკრებულოს 2018 წლის 09 თებერვლის N 10 დადგენილებით, გორის მუნიციპალიტეტის მერიის სამტატო ნუსხაში შეტანილი ცვლილებით განყოფილებას ეწოდა „მერის წარმომადგენლების და წარმომადგენლების ასისტენტების საქმიანობის კოორდინაციის განყოფილება“ და მის შემადგენლობაში შემოყვანილ იქნა 33 მერის წარმომადგენელი, თანამდებობრივი სარგო 1100 ლარი, განყოფილებას დაემატა აგრეთვე ორი III რანგის I კატეგორიის უფროსი სპეციალისტის შტატი, თანამდებობრივი სარგო 900 ლარი. ამ დადგენილებითვე მერის წარმომადგენლების ასისტენტებს გაუზარდათ თანამდებობრივი სარგოები და შესაბამისად შეადგინა: IV რანგის I კატეგორია - 700 ლარი, ხოლო IV რანგის II კატეგორია და IV რანგის III კატეგორია - 650 ლარი.

2020 წლის 24 თებერვლიდან, საქართველოს კანონში „საჯარო სამსახურის შესახებ“ შეტანილი ცვლილებების შედეგად, მერის წარმომადგენლები და ასისტენტები ითვლებიან ადმინისტრაციული ხელშეკრულებით დასაქმებულ პირებად და ამდენად, ისინი აღარ არიან განყოფილების შემადგენლობაში. განყოფილების შტატები განისაზღვრა შემდეგი შემადგენლობით: განყოფილების ხელმძღვანელი - 1; III რანგის, I კატეგორიის უფროსი სპეციალისტი - 2; IV რანგის, III კატეგორიის უმცროსი სპეციალისტი - 1.

აღნიშნული ცვლილებების შემდეგ, გორის მუნიციპალიტეტის საკრებულოს 2020 წლის 13 მარტის N12 დადგენილებით განყოფილებას დამატებით დაემატა ისეთი ფუნქციების შესრულება, როგორცაა: საქონლის ადგილწარმოშობის, ხე-მცენარეების ადგილწარმოშობის, პირის კონკრეტულ მისამართზე ფაქტიური ცხოვრების, მამკვიდრებლის უძრავი ქონების ფლობის შესახებ მერის მიერ გასაცემი ცნობების პროექტების შემუშავება, მერის წარმომადგენლების მიერ წარმოდგენილი მოხსენებითი ბარათების საფუძველზე, ჩვენს მიერ შზადდება აგრეთვე სასოფლო-სამეურნეო მიწასთან დაკავშირებით, საჯარო რეესტრის სააგენტოდან შემოსულ წერილებზე პასუხების პროექტები.

განვლილ პერიოდში განყოფილების თანამშრომლების მიერ გაწეულია მნიშვნელოვანი სამუშაო, როგორც მუნიციპალიტეტის მოსახლეობიდან და სხვადასხვა ორგანიზაციებიდან შემოსულ კორესპონდენციის შესწავლის და მათზე დროული რეაგირების მიმართულებით, ასევე მერიის ხელმძღვანელობის და სხვა ინსტანციებიდან მიღებული დავალებების შესრულების თვალსაზრისით.

საანგარიშო პერიოდში სულ განყოფილებაში შემოსულია და ადმინისტრაციულ ერთეულებზე გადაწერილია დაახლოებით 10000 ერთეული წერილი და სხვა სახის კორესპონდენცია, მათ შორის ძირითადი რაოდენობა არის მუნიციპალიტეტის მოსახლეობიდან შემოსული განცხადებები, რითიც ძირითადად ითხოვენ: ცნობას საცხოვრებელი ადგილიდან და შუამდგომლობას „სოკარ ჯორჯია გაზთან“ ბუნებრივი აირის შეყვანის თაობაზე, მაღალმთიან დასახლების სტატუსის მქონე სოფლებში მუდმივად ცხოვრების ფაქტის დადასტურებასთან დაკავშირებულ საკითხებზე, გამოყოფ ხაზთან მიმდებარე

სოფლებში ცხოვრების ფაქტის დადასტურების თაობაზე და სხვა. შემოსული წერილების ძირითადი რაოდენობა მოდის საქართველოს იუსტიციის სამინისტროს, საჯარო რეესტრის ეროვნულ სააგენტოდან შემოსულ წერილებზე, რითიც ძირითადად ვგებოფენ: მიწის ნაკვეთისა და მიწის ნაკვეთის საკადასტრო აგეგმვით/აზომვით ნახაზზე ასახული მიწის ნაკვეთის იდენტიფიკაციის დადგენას და დასარეგისტრირებელი მიწის ნაკვეთების კატეგორიის განსაზღვრას.

საქართველოს მთავრობის 2018 წლის 28 დეკემბრის N654 დადგენილების შესაბამისად, საქართველოს მთავრობის, 2019 წლის 31 დეკემბრის N2752 განკარგულებით, სოფლის მხარდაჭერის პროგრამის ფარგლებში განსახორციელებელი პროექტების დასაფინანსებლად, 2020 წლისათვის გორის მუნიციპალიტეტის 115 სოფელზე, საქართველოს რეგიონებში განსახორციელებელი პროექტების ფონდიდან გამოყოფილი იქნა 1 596 000 ლარი.

სოფლის მხარდაჭერის პროგრამის ფარგლებში დასაფინანსებელი პროექტების შერჩევის მიზნით განყოფილების მიერ, გორის მუნიციპალიტეტის მერის 2020 წლის 08 იანვრის N26-ს ბრძანების საფუძველზე, გორის მუნიციპალიტეტის ყველა სოფელში, რომელზეც გამოყოფილი იყო თანხა, გაიმართა კონსულტაცია(47 სოფელი) ან დასახლების საერთო კრება(68 სოფელი).

აღნიშნულ კონსულტაციებზე და კრებებზე, მოსახლეობის უმრავლესობის აზრის და სურვილის გათვალისწინებით მერჩეული იქნა ყველა სოფელში განსახორციელებელი პროექტი, რომლებიც ჩვენს მიერ შეტანილია შესაბამის ოქმებში და გადაცემულია კომპეტენტურ სამსახურებზე შემდგომი რეაგირებისათვის.

განყოფილების თანამშრომლების მიერ, მუნიციპალიტეტის ყველა ადმინისტრაციულ ერთეულში, ორგანიზება გაუკეთდა მოსახლეობასთან შეხვედრებს, სადაც შერჩეული იქნა ის პროექტები, რომლებიც უნდა განხორციელდეს 2020 წელს სამოქალაქო ბიუჯეტის დაფინანსების ფარგლებში.

მნიშვნელოვანი საბუძოა გაწეული მიმდინარე წელს, „კორონა ვირუსის“ შედეგად გამოწვეული პანდემიის პირობებში. შემოსავლების გარეშე დარჩენილი ოჯახების იდენტიფიცირების და შემდგომ მათთვის დახმარების გაწევის მიმართულებით. განვილილ პერიოდში განყოფილების მიერ, ზემდგომი სამსახურების დავალებით გაკეთებულია მუნიციპალიტეტის ტერიტორიაზე არსებული სარწყავი არხების აღწერილობები, მომზადებულია ინფორმაციები საჯარო შენობების შესახებ, სასოფლო-სამეურნეო ნაკვეთების შესახებ და სხვა.

განყოფილების თანამშრომლები აქტიურად ეხმარებიან სამხედრო გაწვევის სამსახურს ადგილებზე გაწვევის უწყებების აღრესატებთან მიტანას საქმეში და ზედამხედველობის სამსახურს, დასუფთავების მოსაკრებლის ქვითრების გავრცელებაში.

ლუბო თოდაძე
25. 05. 2020